

BACCALAUREAT TECHNOLOGIQUE - SESSION 2014

TAHITIEN

SERIE :

SCIENCES ET TECHNOLOGIES DU MANAGEMENT ET DE LA GESTION

Le sujet comporte : 4 pages

Durée de l'épreuve : 2H00

Coefficient : 2

L'usage du dictionnaire n'est pas autorisé.

A PARAU ! ATIRĒ I TE HĀMANIÏNO I TE MAU VAHINE

AtirĒ, te ìno. Te hea hāmaniïnoraā ?

Mai te mea ē, hoē o te taata ùtuafare fetii (ta òe tāne, e tamarii...)

- E haafaufaa òre ia òe, e faahapahapa ra aore ra e parau ìno ia òe
- E faariàrià ia òe, e òpua e taparahi ia òe, e ìmi ia taa òe i ta òe mau tamarii
- 5 ➤ E tāmōemoe ia òe i te vāhi atoà tei reira òe, e hiòpoà i ta òe mau niuniu, e pāheru i ta òe pūtē
- E pohehae, pīpiri aore ra e riri tāue noa
- E faahepo ia òe ia taòto ia na
- E tuè ia òe, e tūrai ia òe, e tutuō i nià ia òe, e taora i te tauihāa i nià ia òe
- 10 ➤ E hiòpoà i to òe huru e ta òe peu
- E tāmata i te huna aore ra i te faatea ia òe i to òe ùtuafare fetii, aore ra i to òe mau hoa

Mea pinepine te reira mau hāmaniïnoraā, e i mua i te reira :

- Te vai nei òe e o òe iti anaè
- 15 ➤ Te peàpeà ra òe, te hepohepo ra òe e te horuhoru ra to òe āau
- Te faahapa ra òe ia òe, e tei roto òe i te haamā
- Tei roto òe i te riàrià no òe iho e no ta òe mau tamarii

Mai te peu noa atu ē, te ite ra òe ia òe i roto i teie huru faanahoraā, mea papū no òe teie parau. E faauhāia teie huru hāmaniïnoraā mai te tahi tūinoraā i te ferurirāa o te taata, i roto i te parau, i roto i te hohonurāa o te āau o te taata, i te pae o te faufaa moni, te pae o te tino, e te pae o te taòtorāa te tāne e te vahine... E tūi atoà teie huru hāmaniïnoraā i te mau vahine atoà mā te hiò òre i te fāito e te ôtiā o te matahiti, ua tamariihiā aore ra aita e tamarii, mā te hiò òre i te taa-ê-raa o te huru, te òhipa aore ra te haapiirāa. Mai te mea noa atu ē, aita e faanahoraā e ravehia no te taata hāmaniïno, e tāmāu noa ihoa ia te ìno i te 25 tupu, e e riro to na parau i te ùāna roa atu.

Eita roa teie huru hāmaniïnoraā e fāriihia. E faautuā te ture i te reira. Eere òe anaè iho ! Te vai nei te tauturu, a tatara ia òe i te ìno. Nafea rā ? Tei to òe pae te ture, no reira eiaha e mataù, a faatupu.

E tiā roa ia òe ia tuu atu i ta òe hororaā : eiaha e haamarirāu, haere noa atu i te fare mutoi aore ra i te āua mutoi farani no te faara ia ratou i te fifi o ta òe e farerei ra. Ia ìte pāpū òutou ē, no teie huru faanahoraā, eita roa te parau a te taote e anihia mai. Mai te peu rā ua pēpē òe, mea tiā ihoa ia ani atu òe i te taote ia hāmani mai i te tahi parau haapāpūraa.

Faatereraa no te Hau Fenua no Pōrinetia Farāni,
Faatereraa Hau no te Rimaì e no te tiaraa o te vahine.

Fa'aarara'a : 'ua fa'aturahia te pāpa'ira'a a te pū 'ohipa.

mahana pae
O8 nō Māti 2013
i te tahua VAIETE

mai te hora 9 i te po'ipo'i
ē tae atu i te hora 6 i te ahiahi

“ te Vahine e tona Orara'a ”

'ōro'a fa'ahanahanara'a
i te mau

Vahine

o te ao nei

'APARAURA'A 'E HORO'ARA'A MANA'O :

'ea, orara'a'utuāfare, 'ohipa, tana mau fa'aotira'a rau, fa'a'ana'anataera'a tino

FA'A'ANA'ANATAERA'A :

'ori, 'upa rau

Ha'amāramarama'a : DFCF : 80 00 40 - UPJ : 50 82 20

Image de la vahine - MORE copyright 2012 cyclone - 45114

TE MAU VAHINE O TE AO NEI



MINISTÈRE DE LA CULTURE,
DE L'ARTISANAT, DE LA FAMILLE
ET DU COMMERCE DE LA CONSOMMATION FAMILIALE



TE MAU VAHINE O TE AO NEI

I. MĀRAMARAMARA'A /10

1. 'A 'iriti mai i roto i te tai'ora'a e 6 a'e parau e fa'alite i te hāmani'inora'a i te vahine. /3
2. I mua i te reira mau hāmani'inora'a, e aha te huru o te vahine ? 'A hōro'a mai e 4 a'e pāhonora'a. /2
3. I roto i te tai'ora'a, 'ua fa'aauhia te hāmani'inora'a i te vahine mai te aha ? /1
4. E fa'ari'ihia ānei ra te 'ohipa hāmani'inora'a ta'ata ? 'A ha'apāpū mai i tā 'oe pāhonora'a. /2
5. Nā te aha e tauturu i te mau vahine i hāmani-'ino-hia ? /1
6. 'Ia hina'aro te tahi vahine i te horo i te ta'ata i hāmani'ino ia na, 'o vai tā na e fa'aara mātāmua roa ? /1

II. PĀPA'IRA'A /10

1. E aha tā 'oe e māramarama ra i ni'a i teie hōho'a « *Vahine o te ao nei* » ? /5
 - 'A fa'ata'a mai 'e 'a tātara mai i te aura'a o terā hōho'a. 'A ha'apāpū maita'i i tō 'oe mau mana'o e mā te fa'arava'ihia mai e te tahi mau hi'ora'a.
 - 'A pāpa'i mai e 'ahuru a'e rēni.
2. 'O 'oe terā vahine e hāmani-'ino-hia ra (e tamāroa 'oe aore ra e tamāhine 'oe). E aha te mau rāve'a ato'a o tā 'oe e ti'a i te rave nō te tauturu 'e nō te pāruu ia 'oe iho ? /5
 - 'A fa'ati'a mai i tā 'oe pāpa'ira'a mā te 'ōmuahia i te 'irava i muri nei : "***E mea pohehae roa tā'u tāne,...***"
 - 'A pāpa'i mai e 'ahuru a'e rēni.